

Disputatio medica inauguralis de potu frigido ... / [Ernst Christoph Wolff].

Contributors

Wolff, Ernst Christoph, active 1697.
Crause, Rudolf Wilhelm, 1642-1718.
Universität Jena.

Publication/Creation

Jenae : Literis Gollnerianis, [1697]

Persistent URL

<https://wellcomecollection.org/works/eu7daveu>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISPUTATIO MEDICA INAUGURALIS
DE

POTV FRIGIDO,

QVAM

DEO TER OPT. MAX. JUVANTE,
INDVLTV ILLVSTRIS ET GRATIOSISSIMI
MEDICORVM COLLEGII,

SVB PRÆSIDIO

RVDOLOFI GVILIELMI

CRAVSII, Hæreditar. in ~~M~~ellingen/

PHILOS. ET MEDIC. DOCT. PRAX. ET CHYM. P. P.
ORDINAR. FACVLT. MEDIC. SENIORIS VENE-
RANDI, ET S. R. I. A. N. C. COLLEGÆ
PRIMARIJ,

PATRONI, RÆCEPTORIS ET PROMOTORIS SVI,
ÆTERNO HONORIS ET OBSERVANTIÆ CVLTV
DEVENERANDI,

PRO

SVM MOS IN ARTE MEDICA HONORES ET PRIVILEGIA

DOCTORALIA

LEGITIME IMPETRANDI

LICENTIA,

PVBLICO PLACIDOQVE PHILIATORVM EXAMINI
HORIS ANTE ET POMERIDIANIS
SUBMITTET

ERNESTVS CHRISTOPHORVS Wolff/
OHRDRV. THVRING.

In Auditorio Majori,

Ad diem Maj. Anno M DC XCVII.

POTY FRIGDO

DOCTOR OF MEDICINE
UNIVERSITY OF CHICAGO

1875

WILLIAM

CRAYNE, M.D.

ASSISTANT PROFESSOR OF MEDICINE
UNIVERSITY OF CHICAGO

ORDINARY FACULTY MEDICAL SENIORS

RANDI ET ALI. A. C. COLLEGE

BRIMAN

PROFESSOR OF MEDICINE
UNIVERSITY OF CHICAGO

ASSISTANT PROFESSOR OF MEDICINE
UNIVERSITY OF CHICAGO

DEPARTMENT

MEMBERS IN THE MEDICAL DEPARTMENT
UNIVERSITY OF CHICAGO

DOCTORAL

LETTERS IN MEDICINE

LICENS

ASSISTANT PROFESSOR OF MEDICINE
UNIVERSITY OF CHICAGO

ASSISTANT PROFESSOR OF MEDICINE
UNIVERSITY OF CHICAGO

DEPARTMENT

CHRISTOPHER

ORDINARY FACULTY

MAJESTY

ASSISTANT PROFESSOR OF MEDICINE
UNIVERSITY OF CHICAGO

F. F.

Proposuimus nobis, benignissimi DEI ope, atque subsidio adjuti, loco Speciminis inauguralis POTVM FRIGIDVM *diateticè* considerare, occasione datâ ab amicis, qui moverunt quæstionem: AN POTVS FRIGIDVS SALVBRIOR SIT CALIDO?

Quia vero instituti nostri jam non fert ratio prolixè de hâc materiâ differere, rem ipsam, absque ullis verborum antipagmentis, aggrediemur.

FAXIS, DEVS, VT FELICITER!

Vt in proposito nostro expeditiùs progredi possimus, ante omnia quid per POTVM? & quid per FRIGIDVM? hîc locô nobis intelligendum veniat, paucis indicabimus.

Vocula POTVS à *Græcis* videtur mutuata, qui dicunt ποτός, item ποτόν, à πίνω, *bibo*, id est, potum assumo, vel *poto*. Quamquam verò *bibere* propriè sit *modicè*, & ad naturæ necessitatem potum assumere; *potare* autem *affluenter*, & ad ebrietatem potione repleri, ut ita *bibere sani*, *potare ebriosi* dicantur; nobis tamen, prout aliis concessum videmus, *potare* & *bibere* hîc erunt *Synonyma*, & utrumque in bono significato sumere licitum erit.

Solet quidem etiam *potus* interdum πόμα & πόσις, *potio* dici, sed, quantum nobis videtur, hâc cum differentiâ, ut ποτός ηγεί ποτόν & *potus* in *diatetico*, πόσις verò, πόμα & *potio* in *pharmaceutico* usu frequentius locum inueniat, ubi *portiones medicantes*, v. g. alterantes, purgantes, τεγυμασπούμαλα, seu *portiones vulnerariæ* &c. inter usuales medicamentorum formulas, maximè ubi refrigerandum est, v. g. in æstu febrili temperando, reponuntur. Sylvio potiuncularum formulæ præ aliis arriserunt, sicut ex hujus laude dignissimi Viri scriptis abundè constat. Veteres plerumque *purgandi sine* portiones ordinabant. Sic Lucius Apulejus vocat po-

tionem sacram solutivam illam medicinam, quam Galenus ἰεργὴν ποικίλην dixit.

Ensi verò sub τῆς ποτῆς & *potus nomine* haud rarò ἀπλῶς comprehendantur omnia illa alimenta *humida*, quæ adeò *liquida* sunt & *fluida*, ut vel potari, vel saltem sine notabili masticatione, sorptu, aut haustu deglutiri possint, v. g. juscula varii generis, brodia carniū, decocta galli, caponum, item contritæ & comminutæ carnes caponum, perdicum, gelatinæ, intrita, cremor hordei, avenæ, ova tremula, lacticia & similia, quæ, quia multum nutriunt, & stomacho minus negotii in digerendo faceffunt, ab *Hippocrate Aph. II. Sect. 2.* de viriū, in reconvalescentibus, reparatione expeditiori loquente, sub *potus* vocabulo intelliguntur; Nobis tamen hōc locō sumitur in *specialiori*, sed usitatissima illa significatione, quā denotatur ille potus, qui *communiter à sanis in quotidiano victu* & vita, potissimū inter prandendum & coenandum, *fitis*, non voluptatis solius gratiā, ex fictilibus, lignæis, metallicis, vitreis, aut aliū materiae vasis assumi solet, sive sit aqua, sive cerevisia sive vinum &c.

FRIGIDVM dicitur à frigore, & hoc à εἰγέω, *rigeo, horreo*, quod intensum frigus rigiditatem quandam inferat.

FRIGVS omnes quidem, & interdum, sicuti hāc hyeme sæviori contigit, nimium quantum sentimus; sed *quid sit?* nescimus. Vides enim, *an* frigus rectè ab effectu illo accidentali, quod sit qualitas congregans homogenea & heterogenea, definiatur? *an* verò sit privatio, & solū absentia caloris? aut, *an* ab ætheris, & hinc, durante calore motarum in corporibus particularum subtiliorum motu minus expedito, sed magis impedito, aut earum quiete proveniat? *an* statuendum sit, frigus non in cō tantū consistere, quod rerum particulae à motu quovis cessent; sed dari certas quasdam particulas frigorigicas, ita, ut frigus aliquid positivum sit? valdè ab Autoribus controverti.

Nos non ausimus hīc aliquid determinare, videntes spatiofiorem, profundiorē & verticosiorem esse oceanum illum, quā qui exiguā lacerāque ingenii nostri lintre superetur, cum etiam ipsissimus, quantumvis licet ingeniosissimus naturæ scrutatur *Boyle*, post conscriptum de frigore integrum volumen, *quid sit frigus?* nondum sibi constare, fateri non erubescat.

Si tamen aliquid *conjecturâ* assequimur, non adeò incongruè *caloris & frigoris* ratio per *motum* explicatur; ita, ut *calor in ætheris*, omnia in hōc universō replentis, & *particularum subtilissimarum*, & minutissimarum, maximè in humano, salino sulphurearum, *Hippocrati* ἐνορμῶν τε μόρια, *impellentia corpora* dictarum, *motu*, in se vario, debito tamen, & huic vel illi corpori conveniente, & continuò consistat, à quibus, dum simul fibrillæ tactui inservientes, per cutim, membranas & tunicas hinc inde dispersæ, blandè afficiuntur, sensus caloris blandus in corporibus, quò verò rapidior, celerior, confusus & efferatus magis ille motus, imprimis autem *sulphuris à sale volatili* rarefactio & expansio auctior fuerit, eò, pro ratione *gradus motus* impetuosioris, celerioris, & efferacioris, major & intensior calor, æstus, effervescentia, ebullitio, accensio & inflammatio, & maximè in hominis visceribus, totoque corpore emergit.

Medicis enim ex causarum morbificarum investigatione, earumque & morborum remotione, seu curatione satis innotescit, *non tantum*, quod *caloris* in corporibus humanis *causa & gradus*, à gradibus volatilitatis, & expansivæ, dictarum particularum minutissimarum, salino sulphurearum, roscidarum rarefactionis & agitationis impetu dependeant, cum manifestè deprehendant, quod, quò plures sanguini insunt particulæ spirituosæ, & quò majori volatilitate illæ præditæ fuerint, eò major quoque calor in sanguine & corpore offendatur; *sed etiam* quod omnia, quæ ebullitionem, & fermentationem, spirituumque motum rapidiorem excitant, infallibiliter & immediatè calorem in corpore humano adaugeant. Vident quoque, si vel ab *externâ*, vel ab *internâ* quâdam occasione aut motus imprimatur spiritibus & humoribus fortior, aut inferatur calor ab igne, vel assumtis rarefactivis, sive sit cibus, sive potus, sive etiam medicamentum &c. calorem manifestissimè intendi.

Hinc est, quod prudentiores tam *cauti* soleant esse in ordinandis *salibus volatilibus*, ubi sanguis in corpore ebullit, corpus calore & ardore affligitur, sanguisq; bilosus ac tenuis existit, & quidem tam in *simplicibus*, quàm & maximè *oleosis*, ac *valdè odoratis*; quia nempe, ut *valdè æthereæ & elastica*, citius subeunt, activiora sunt, humoribus calcar addunt, &, dum sanguinis, ut & aliorum humo-

rum intestinum & localem motum rapidiorem, ac confusum faciunt, in iis, quorum genus nervosum subtilius est, & delicatius, sanguinisque textura rarior & subtilior, si intempestivè adhibita fuerint, spiritus & humores facilè efferare, in fermentum & *ὄργανον* conjicere, & calorem augere valent.

Inde quoque est, quod, si *in febris ardentibus* à practicis imperitis, vel aliis temerariis medicorum similiis incautè propinata fuerint *salia volatilia*, vel *oleosa*, vel *simplicia*, immensæ *anxietates* & *æstus* circa præcordia excitentur; nimirum quia ob sanguinem, à salibus dictis sic magis diditum, elasticum & expansivum redditum, vasa circa cor vehementius distenduntur, hæc autem ultra sphæram suam expansione, molesta illa circa præcordia anxietas & æstus producit. Sic notum quoque est, eadem salia non æquè tutò concedi *hystericis* & *hypochondriacis*, nisi hi genus nervosum minus delicatum habeant, quia impetuosius spiritus & sanguinem commovendo, anxietates, æstum, sicque paroxysmum sæpè exasperant. Quemadmodum etiam eadem hæc salia volatilia, quamvis maximoperè commendentur *in malignis*, meritòque, ritè exhibita, laudanda sint; nisi tamen prudenter regantur, pestiferum calorem, ebullitionem & hæmorrhagiam inducere solent.

Sicuti autem ratio formalis, *caloris* vel majoris vel remissioris in corporibus, imprimis in humano, ab ætheris, ac particularum subtilissimarum salino-sulphurearum, seu spirituosarum *motu*, & agitatione, aut remissiori, aut intensiori dependet, &, ceu dictum, quò magis hæ in sanguine abundant, quoque sulphur à sale volatili magis exaltatum & expansum est, eò major calor evadere solet; ita è contra, cum contrariorum eadem sit ratio, quò magis *quieta*, aut *pauciores* dictæ particulæ adfuerint; item, quò minus expeditus, aut, si impeditus, suppressus, subjugatusque illarum *motus* ordinarius fuerit, ut & quò minus *sulphur* in sanguine & partibus à sale volatili fuerit *expansum* & rarefactum, eò major quoque recessus aderit à calore, indeque *frigus*, hujusque gradus exoriri, admodum probile est.

Medici nempe vident, omnia, quæ dictas *particulas volatiles*, nimium agitas *demulcent*, *cøercent*, *domant*, remorantur; *Salia*, sulphur nimium expandentia *diluunt*, *figunt*, *implicant*, *obtundunt*, *inviscant*, & quasi in compedes conjiciunt, sicque *motum* harum
vel

vel moderantur, vel tardant, vel inhibent, ea caloris quoque intemperiem moderare, compescere, subprimere, verbò, refrigerare: Nec posse paroxysmos à salibus volatilibus, imprimis oleosis exasperatos felicius & citius compesci, quàm medicamentis salia volatilia figentibus & diluentibus, inter quæ magnam laudem merentur *acida nitrosa*, & imprimis *spiritus nitri dulcis*; quemadmodum etiam alia *acida*, interdum quoque *oleosa*, *inviscantia*, *aquea*, item *terrea*, pro rei exigentia refrigerare possunt.

Ex hæcenus propositis nunc elucescit, unde calor & frigus in corpore humano proveniant, & quæ corpori nostro qualitatem *calidam & frigidam, moderatam, commodam, gratam, convenientem & necessariam*, ut & quæ *nimiam, noxiam, molestam & naturæ contrariam*, ac *destructivam* inducere valeant. Inquirendum igitur jam restat, quomodo calor, unde vitam dependere dicunt, in suo *equilibrio* conservetur?

Vita nostra, ex communi consensu, non nisi continuus quidam particularum subtiliorum spirituosarum, hinc sanguinis & reliquorum humorum *motus est*, à quo calor corporis, vitæ individuus comes, unicè fit, continuatur & conservatur; Nec *sanitas*, quæ non, nisi *vita* quædam *integritas* est, ab alio, quàm ab eodem hóc partium fluidarum, secundum naturam se habentium *motu & calore temperato* effectivè dependet. Verùm enim verò, cum vi hujus motus in naturali statu continuò perpetuati, non solum *ipsæ subtilissimæ particule* volatiles & vitales omni momento dissipentur, avolent, paucioresq; fiant, sed etiam simul *voridas* ex omnibus partibus secum extra poros corporis in perenni trans. in. & expiratione abripiant, abducant, & expellant; calor verò naturalis, qui *igneæ* naturæ & *vorax* esse dicitur, inde ortus, humido necessario, quo aliàs temperatur, spoliatus, ardentior & vehementior evadat; & accedentibus quotidie causis tùm internis, tùm externis non naturalibus, sanguinis & humorum fermentativum motum majorem & rapidiorem reddentibus, *major*, voracior & ardentior fiat, hinc verò sanguinis accensio, incoctio, succi nutritii absumptio, hancque necessariò insequens atrophia & rarefactio, imò ipsa mors presso pede insequerentur, nisi in tempore auxiliis & remediis aptis ferocienti motui obviam iretur, calori frenum injiceretur, & refri-

refrigerantibus succurreretur; Proinde oppidò liquet, quàm *neceffarius* fit, non tantùm *quotidianus pastus*, & nutritionis materiale, *humidum*, ex quò, tanquam elemento proximiori *originaliter* & *materialiter* partes omnes constant, cujusque solius, in locum, omni momento, absumti, adpositione, adglutinatione & adfimatione nutritio corporis absolvitur; sed etiam *usus* quotidianus temperatè *frigidorum*, & *infrigidantium*, sobriâ manu adsumtorum, utpote quibus *calori*, ad *intemperiem* declinanti, & *sanitate calidiori* evadenti, *modus* dicitur, nimio vel facto, vel futuro frenum injicitur, & calor optimè contemperatur. Verbò, patet ex his, quàm utilis, necessarius & naturæ gratus sit *potus frigidus* temperatus, de quò nobis hîc unicè sermo est; & ex adverso, quàm noxius sit *intempestivus calidus potus*, utpote qui calore suo sanguini, aliorumque humorum motui quasi calcaria addit, eos rapidiores facit, glutinosiores nutritibiles partes incidit, attenuat, sicque fluidiores & tenuiores, quàm ad adglutinationem & nutritionem requiritur, reddit, & insimul notabiliore humidi evacuationi per sudores, urinas &c. ansam dat.

Hisce præmissis rem ipsam aggredimur, POTVMQVE FRIGIDVM dicimus esse *substantiam aquosam & fluidam*, *sue naturali temperiei relictam*, *sitis naturalis*, in quotidiano victu, extinguenda, & *vite*, *sanitatisque conservanda gratia sine masticatione*, *haustu deglutibilis*.

Potum frigidum vocamus *substantiam*, quam nemo sanus ipsi negaverit, cum videat *omnem potum*, etiam *aquam*, esse *corpus* reverà ex *particulis terr-aqueis*, in spumatione & congelascentia imprimis conspicuis, mistum. *Sale*, *sulphure*, particulisque pingui-bus, viscidis, glutinosis &c. potum abundare, *color*, *odor*, & *sapor* in potulentis varius & diversus satis docent; imò *aquam vulgarem* & simplicem *sal crystallinum fixum & volatile*, *sal aque*, & *balsamum universale* dictum continere, refert *Balduinus in tract. aurae. p. 167.* Ut de *corruptione*, *vappescentia*, *acescentia*, *fermentatione* & *putredine*, quibus potulenta omnia, æquè, ac alia mista sub-jecta sunt, nihil dicamus; quæ verò omnia potum corpus, adeoq; substantiam esse, satis evincunt. Deinde, quod potus revera substantia sit, exinde etiam probari potest, quod *substantificè* corpori nostro in nutritione adponatur.

Licet enim potus ὄχημα τῆς τροφῆς dicatur, & à veteribus plerisque, forsan intuitu aquæ, quæ ipsis plerumque sola in potum cedebat, pro *vehiculo tantum alimentorum*, non verò pro ipso nutriente, & de suâ substantiâ corpori aliquid communicante, habitus fuerit; (quàm rectè, hîc non disputabimus.) Existimamus tamen, negari non posse, potulenta, *inprimis quæ Europæis hodie usitata*, v. g. cerevisias, vlna, etiam reverà ut alimentum, quoad crassiores, glutinosiores, pinguiorésque partes, quibus ut plurimum abundant, *substantificè* in nutritione adponi. Imò potulenta magis promptè appetitui & nutritioni satisfacere, exinde colligi potest, quod non tam humidi & solidi, quàm *humidi substantifici*, seu, cujus substantia in substantiam partium cedere, & mutari apta est, *desiderium* natura ad nutritionem urgeat; cum verò *potulenta* tali *humido substantifico*, ut materiali nutritionis, huicque ratione digestionis & distributionis valdè velificante, *præ solidis cibis*, abundant; hinc non solum ordinariè majori cum voluptate ab appetitu assumuntur, sed etiam facilius & felicius nutriunt, effato *Hippocratis* supra laudato *aph. ii. S. 2.* ῥᾶον πλεῖστον πόσις, ἢ σίσις, *facilius est reficere potu, quàm cibus.*

Diximus autem hanc potus substantiam *aquosam*. *Pindarus* αἰετον ὕδωρ haut inconsideratè dixit. Quamvis enim nobis non satisfaciant illi, qui *nullum, præter aquam esse elementum*, eamque gignendis & alendis corporibus unam & solam sufficere, ac nullum ferè corpus in aquam ultimò non resolvi statuunt; Verissimum tamen est, nullam ex omnibus rebus tantum habere *ad usum necessitatis*, quantum *aqua*, utpote sine quâ nec corpus animalium, nec ulla cibi virtus potest nasci, nec se conservare, nec parari. Siquidem omnia & singula, medio substantiæ aquosæ, fiunt, nutriuntur, augentur & conservantur. Inprimis verò *nullus* datur *humor*, qui humidum suum aquæ non debeat; *Aqua enim est elementum humidissimum*, & quoties humiditas aliqua in corporibus occurrit, toties aqua subest: nec datur *potus*, qui non sit aut ipsa *aqua simplex*, aut plurimum de substantia *aquæ* mutuet.

Nam, licet vix recenseri possint diversissimi isti, & varii *liquores*, quos homines in communi victu & vita hinc inde ordinariè potu hauriunt; sunt tamen potissimi *apud Europaos* vel ipsa *aqua cruda*, simplex & pura, *Adami, Evæ, Sethi, Enos, cæterorum-*

que patrum, qui aongentos annos vixerunt sani & validi, usque ad Noham, qui vinum invenit, nectar unicum, quæ, ut est naturalissimus & universalissimus potus, ita illis, qui ipsi adveverunt, salubris est, & à multis gravioribus morbis præservat. Vel *aqua cum frumentis* variis in *cerevisiarum* innumeras species *decocta*, vid. *Thaddæus Hagecius tract. de cerevisia c. 1. p. 10. & seqq.* Vel cum *fructibus fermentata*, ut *Lora* &c. Vel *aqua cum melle* in *mulsam* parata, plurimum inebrians, quæ Polonis & Lituanis in magnis est deliciis, quorum, aliorumque plurium potulentorum potissima materia est aqua simplex. Vel *vinum*, quod *tùm in se*, & ita, ut ex vite natum, etiamsi sit *generosum*, & πολύφορον οἰνώδες Hippocrati dictum, *multum* tamen de *aquæ* substantia participare; si vero *tenuius* & vulgarius, ὀλγόφορον dictum, sit, plus, imò dimidiam, aut etiam maximam partem suæ substantiæ aquæ debere, etiam ciniffiones chymicorum ex destillatione variorum vinorum, & rectificationibus spiritus vini norunt: Tùm etiam *additione* simplicis *aquæ*, interdum magis aquosum redditur, & hinc vinum *lymphatum*, item *aquatum* dici solet.

Fit autem *admistio aquæ vino* hodie primariò duobus modis; aut enim statim *musti tempore* hoc cum aquæ parte unâ, duabus, imò tribus miscetur, ut ambo simul confermententur in vinum tenue, *Italîs*, maximè *Paduanis* & *Venetis*, quibus talis potus familiaris & ordinarius est, *vin piccolo* dictum, licet ultra annum vix servari possit; aut quod in *Galliâ* magis usitatum, jubentur ii, qui à cyathis stant, vino in vitris ebibendis, ad dilutionem plus, minus, pro lubitu bibentis, aquæ simplicis affundere. Estque hic *modus vinum cum aquâ miscendi & temperandi*, ut ad sitim extinguendam, & sanitatem conservandam potentissimus, ita & antiquissimus, *Homero* olim & *Hippocrati* optimè notus. Ille *Maroneum* vinum, in Thraciæ maritimâ parte genitum, vicies tanto addito aquæ miscendum prodidit. Et *Mutianus*, præsens in eo tractu, ut refert *Plinius nat. hist. l. 14. c. 4. p. m. 245.* sextarios vini singulos octonis aquæ miscuit. *Hippocrates* autem vinum *Thasium*, misceri cum aquæ partibus viginti quinque voluit; sine dubio, ut, cum vinum *Thasium*, quod cum *Chio* maximè celebre erat, & valdè *generosum*, adeoque aquam plurimam sustinere poterat, temperaretur, tùm ægris, tùm ipsis sanis. Hinc quoque illa *divisio* orta est

est vini in ὀλιγόφορον, & πολύφορον, vid. Gruterus in Criticis tom. 3. p. 589. Nec tamen ob solam generositatem, sed etiam ob amaritudinem vina veterum aquâ attemperata fuisse, innuit laudatus Plinius l. c. dicens. Nec potari per se queunt, si non pervincat aqua, usque in amaritudinem carie indomita. Ex quibus apparet, necessitatem priscos adstrinxisse, ut aquam vino miscerent. Miscebant autem hi non tantum vinum cum aquâ, sed etiam excaldatum bibebant, cui quidem ansam dedit, primò *luxus*, dehinc etiam *necessitas*. Solebant nempe priscorum primates & ditiores vinum non novum, aut annum, bimulum, trimulum, nec decennale &c. sed valde inveteratum bibere. Nam, quia Plinio teste, apud ditiores ac nobiliores Romanos is maximè *luxus* viguit, ut omnibus in rebus à pauperibus ac plebejis vi pecuniæ differre voluerint, etiam opes differentiam faciebant in cibo & potu, & quoad potum hæc apud illos vigeat consuetudo, ut, eundem refert l. 19. c. 4. p. 350. vina inveterarentur, saccisque deinde castrarentur; nec cuiquam adeò longa erat vita, ut non ante se genita vina potaret. Imò ex eodem Plinio l. c. l. 14. c. 4. p. 245. manifestè apparet, vina apud priscos ad aliquot centum annos adservata durasse, & tandem in speciem redacta mellis asperi fuisse; Cum igitur propter nimiam inveterationem & crassitiem vina potari non possent, res ipsa postulabat admiscere aquam, & quidem calidam, ut nimirum ab aquâ, ratione humiditatis, suæ, vina diluerentur, & temperarentur, ratione caliditatis verò vina crassa citius & melius adtenuarentur. Atque hæc ipsa est ratio, quod, dum de antiquorum canis agitur, calida tam sæpè nominetur, ad diluenda scilicet & attenuanda inveterata, & à natura vel arte crassefacta vina.

Ex hætenus enarratis patet, omnia, in potu adhiberi solita, esse aquosa; sicuti autem nullum nominari potest potulentum, quod non de aqua vel multum, vel parum participet; ita omnis potus verè dici meretur aquosus.

Quod autem aquoso in definitione adjunxerimus τὸ fluidum haut frustra factum. Est enim (i. illud aquæ, tanquam primi humidum, suo termino contineri nescii, sed diffluentis, proprium, &, quæ potari debent, ea in os & fauces ex cantharo, poculis, vitris, aut similibus instrumentis declinatis effusa, sine masticatione, & sine

morâ per œsophagum in ventriculum, continuâ serie, & ad eâs degluti-
deglutiri & fluere debent. (2. *Non omne, quod aquosum, po-
tui aptum est.* Dantur quidpe variæ res aquosæ, quæ, licet mul-
tum, imò plurimum *succi & aquei* in se contineant, non tamen po-
tari possunt, ideò, quod *non fluidæ* sunt. v. g. cucumeres, melones,
cucurbitæ, pepones, poma vulgaria succulenta, & citria, ac auran-
tia, it. pyra & pruna succulenta, uvæ, cerasa &c. Hæc omnia sunt
quidem aquosa, copiosissimoque succo abundant, sed, nisi aquo-
sum illud, seu succus fuerit expressus, extractus, aut alio modo cli-
citus, in potu adhiberi, vel instar potus bibi non possunt.

Intelligimus autem hoc loco per potum frigidum talem sub-
stantiam aquosam & fluidam, quæ *sua naturali temperiei* relinqui-
tur, hoc est, potum, prout natura ipsum administrat, & suggerit.
Atque sic exclusum volumus potum, non tantum *arte calefactum*,
sive id fiat radiis solaribus, aut aëri æstivo potulenta exponendo,
sive ignis torturæ illum tradendo, sive alio modo excaldatum; sed
etiam illum potum *frigidum*, cujus frigus ordinarii, ut & naturalis
nostræ temperiei limites longè transgreditur, & ab extra, v. g. à
nive, glacie immoderatus additur.

Consulendi autem hîc essent physici, & ex illorum doctri-
nâ, *quale temperamentum aquæ*, utpote, quæ radix & fundamen-
tum omnis potus est, *ex sua natura* insit, petendum esset. Verum
sumus hîc iterum in bivio, ut Hercules quondam, constituti, quo-
rum vestigia nobis sint legenda, summoperè titubantes; inveni-
mus enim tot ferè, quot capita, sententias.

Qui *συσχυίας* seu *combinations naturales quatuor prima-
rum qualitatum*, & ex horum numero quaternarium elementor-
um deducere, & probare volunt, in aqua *frigidi & humid*i com-
binationem esse statuunt. Ast, cum ardua & gravissima hîc inter
iplos Peripateticos occurrat controversia de *frigiditate aquæ*, aliis
frigiditatem *in summo gradu & absolutam aquæ*, aliis *terræ* tribu-
entibus, & utraque sententia habeat patronos theologos & philo-
sophos egregios, rationesque non contemnendas, quid nunc
agendum?

Etiam si verò has lites determinare hîc non spectet; si tamen
nostras conjecturas hîc exponere licitum, fatemur rationes mul-
tas

tas inveniri, quæ summam, & absolutam frigiditatem aquæ tribuere vetant. Nimirum.

(1. Si aqua *naturâ sua* in *summo gradu*, & *absolutè* frigidissima esset, sequeretur aquam in *suo naturali statu* semper debere *congelatam & glaciata*, ideoque non humidam & madefacientem, sed quasi siccam, summèque densam esse. Nam frigus summum, ut notum est, rigiditatem & madefactionem, quamdiu aqua glaciata est, ipsi tollit, sicque siccatur & densatur. At cum nemo non videat, *aquam* in *naturali* suo statu esse *humidam & fluidam, mollem, madefacientem &c.* quæ omnia summam & absolutam frigiditatem aquæ *per se non* inesse evincunt, hinc concludimus, aquam, prout natura eam suggerit, non frigidissimam, sed *moderatè tantum & temperatè frigidam esse.*

(2. Ubicunque *ætheris* & aliarum *minutissimarum* in corpore *particularum motus*, naturaliter, liberè, minusque impeditè procedit, ibi sine dubio calor debitus naturalis, moderatus, aut saltem non adeò ingens, sed temperatum frigus inest. Sed in *aqua* sibi relictâ, tanquam corpore valdè poroso, & ætheris, ærisque admissioni liberiores aditus concedente, dictarum particularum *mutuarum motum liberum*, non impeditum, imò quodammodo rapidum inesse, *aquæ fluiditas*, ut alia hîc prætereamus, ad oculum demonstrat. Ergo aqua non erit *frigidissima* in *summo* frigoris gradu, & *absolutè*, sed *tantum temperatè & moderatè frigida.*

Fluidum quidpe illud tantum est, cujus particule minutissimæ in perpetuò variòque inter se motu, rotatione, fluctuatione & collisione constitutæ sunt; Nec quidquam fluidum reddi potest, nisi in minutiores partes, ad motum aptas, & hæ in motum redigantur; Quemadmodum etiam pro diversitate motus aucti, v. g. à calore solis, aut ignis vehementiore, vel leniore, res fluidæ fluidiores redduntur & ebulliunt.

Motum porrò perpetuum ætheris & particularum minutissimarum, si quid aliud in *aquâ* probat continua illa *exhalatio vaporum*, sive atmosphæra humida, circa fluvios, lacus, stagna &c: repertiunda, quæ vaporum aqueorum congeries nebulosum illud, quod imprimis circa vespèram ab ingruente frigore, aut matutinò tempore condensatum, aut aliàs à solis radiis impeditis non attenua-

tum, propè aquas conspicitur, constituit. Inde quoque, qui prope lacus, stagna, fluvios, rivos majores &c. habitant, plerumque habitacula corporis & animæ humiditate, rei domesticæ & sanitati noxiâ imbuta & infecta esse, experiuntur & conqueruntur.

Non negamus igitur aquam *respectivè* frigidam esse, sed hanc frigiditatem, *quamdiu aqua sua naturali temperiei relinquitur, moderatam, & temperatam* esse, existimamus. Nec *concreatam* esse aquæ summam frigiditatem, forsan exinde probari posset, quod, posito, veras esse, quemadmodum probabiles sunt, quorundam conjecturas, *mundum in mense Abib*, qui *primus* mensium anni divinâ institutione *Exod. 12. v. 2.* numeratur, & *Martio & Aprili* Romanorum respondere traditur, creatum esse, non potuerit tunc, quia neque nix, neque glacies, ut de solis positu nihil dicamus, tunc temporis fuit, neque in vere esse solet, aqua fuisse frigidissima. Sed nolumus hanc controversiam nostram facere.

Si quando ergò aquæ interdum summum *frigus* inest, id ipsi non inest *ex sua natura*, & secundum *naturalem suam temperiem*, sed *frigidissima* fit tantum *per accidens*, accedente nimirum quodam *ab extra*, frigiditatem majorem & maximam aquæ inducente.

Quid autem illud, frigiditatem summam aquæ & aquosis, quam in congelascentia & gelu deprehendimus, inducens, sit? & unde proveniat? nondum satis inter physicos constat. Nec volumus, quia huc directè non spectat, in id scrupulosius inquirere. Si tamen, quid conjectemus, adponere licitum, videtur, salvis aliorum, rectius forsan sentientium, judiciis, illud aquæ extrinsecè *adveniens* neque ætheri, neque aëri *per se* inesse, sed solum ipsi interdum adesse, hoc est, dari *particulas certas, valde subtiles*, (cum poros strictiores vitrorum penetrare possint,) *hasti- & nitroformes*, (unde gelationes incipiunt per majora spicula, aquæ superficiiei innatantia) *frigorificas*, quæ, in aëris vehiculo adpropinquantes primò ambiendo, & in rerum superficie fluctuando, deinde verò intra poros aquæ & aquosorum penetrando, & se penitus insinuando, motum ordinarium fluidarum particularum inhibent, his quietem inducendo, aqueum densant, congelant, glaciant, atque sic demum *per accidens* ad summum frigoris gradum aquam perducunt.

Quod

Quod verò particulæ illæ frigorificæ, particulas minutissimas fluidas, & salia volatilia figentes, coagulantes, sicque summum frigus corporibus inducentes, rebus congelandis saltim *ab extra* adveniant, exinde colligimus, quod res, quæ congelantur, & glaciuntur, non in instanti, simul & semel per totam suam compagem in glaciem vertantur, sed *ab extra incipiendo*, ab eò quidem latere, ubi immediatius aquæ se insinuare possunt (unde coagulatio in superficie, seu summitate, non in fundo incipit,) & pedetentim usq; ad medium, seu centrum, aut fundum, nisi quid obstitit, producendo, demum in glaciem convertantur.

Quod porro *nova*, & *ab extra* veniens aquæ, & humoribus in congelando fiat *particularum accessio*, insinuatio, & intra corpora congelata mansio, colligimus ex aquarum congelatarum in *molem majorem* factâ dilatatione, elevatione, atque hinc à *glacie* orto, compacti corporis, notabili *incremento*, à quò non solum vasa fictilia, vitrea, aliaque varii generis disrumpuntur; sed etiam in corpore humano intumescentiæ, tumores & tubercula varia, quale quid etiam in pernionibus videre licet, hinc inde, maximè in partibus illis, quæ frigori nudius expositæ sunt, oriuntur.

Unde dictæ particulæ proveniant, & cui natales suas debeant, scire avemus. Videtur quidem, quod *nitrosæ* particulæ, item *Euriæ & Boreas*, unde plerumque rigidiores & frigidissimi venti flant, & quorum ope potum arte frigidiorum reddi posse notum est, haut parum conferant, sed nihil certi affirmare ausimus.

Sufficiat nobis nosse (1. has frigorificas particulas obtinere vim *coagulandi*, & *constringendi alterius corporis partes*, unde medici frigidis vim adstringendi, repellendi, fluxum sistendi, & similes effectus attribuunt. (2. quod aqua in suo *naturali* statu, & suæ propriæ, ac nativæ temperiei relicta, non sit summe & absolute, sed *temperatè frigida*, & plus habeat caloris, quàm terra, saxum, crystallus, marmor & similia dura & solida, in quibus tanta, particularum subtilissimarum liberarum moles præsens, aut permixta non est.

Sed cum ea, quæ hætenus de frigiditate dicta sunt, præcipuè *aquam simplicem* & crudam, fundamentum & basin omnis potus respiciant, in ordinario autem potu, sicut superius diximus, hodie non sola aqua, imò hæc rarissimè bibatur, cum, qui *Clitorium* fontem

tem gustârint, aut gustare vellent, nullos, paucos abstemios, & de reliquo, nisi plebejos pauperculos, aut messoros, vel aliàs in solis æstu diu commorantes & laborantes, imprimis quorum caput radii solares vehementius feriunt, aut, navigantes interdum, alioque potu destitutos exceperis, neminem invenias, neque nobis sub *potus* vocula aqua tantum intelligenda veniat, proinde nunc ulterius inquirendum erit, *an ceteri potus*, v. g. cerevisiarum innumeræ species, lora, medo & vinum, quæ in potum frequentissimè cedunt, *frigidi absolutè, & in summo gradu* tales sint dicendi? Verum certum est, nominatos potus *multò adhuc minus aquâ frigidiores* dici posse, si scilicet sibi, & suæ naturali temperiei relictæ fuerint. *Refrigerant* quidem & frigidi sunt, sed *moderatè & temperatè*, non verò sunt frigidissimi, nisi frigus emergens aliunde illis accedat.

Nam particulas volatiles, aëreas, aromaticas, amaras, acres, sulphureas, oleosas, balsamicas in cerevisiis, loris & vinis, ac in his præcipuè multas spiritibus corporis humani valdè analogas abundare, nemo sani sensus, sanæque mentis unquam negare potest. Ast, cum potus, in quò hæ particulæ copiosius insunt, nunquam *à priori* frigidus vocari possit, neque etiam *à posteriori* frigidus excessivè talis dici mereatur, quia calorem homini insitum non extinguit, sed reverà, & ex parte notabiliter satis instaurat & auget, in cuius testimonium *Hippocratem, Galenum* & alios sapientissimos viros facillimè vocare possemus, nisi experientia, stultorum magistra quotidie abundè doceret, ob hordei vel tritici &c. torrefactionem, homines *non minus* largiore *cerevisiæ*, imprimis spirituosioris, quàm *vini* potu incalescere, & inebriari, id quod ob particularum volatilium salino sulphurearum, spirituosarum copiosam effumationem accidere notissimum est. Igitur ulteriori demonstratione non eget, *potum cerevisiæ, vini &c. sibi relictum, non dici posse frigidissimum.*

Sed restat nunc, ut etiam in quo *gradu frigiditatis* potu lenta, *sanitati optimè* conveniant, aliquid dicamus. Sistimus autem hîc *Galenum*, qui rem videtur optimè declarasse, *lib. 10. meth. med. c. 11.* ubi, *qualis frigiditas aquæ in potu sumenda conveniat*, docet: Esto, inquit, præparata in labro aqua frigida, *eâ frigiditate*, quæ nullam evidentem qualitatem, nec prorsus frigidarum, nec tepidarum aquarum præ se ferat, sed qualem eam, quæ *fonta-*

na vocatur, quæ & frigoris, quod fert, & teporis, qui resolvit, est in medio. Et in libro 2. de facult. simpl. medicament. ulterius dicit: porro, si nec insigniter calida, nec frigida admoventur, sed veluti quæ fontana dicitur. Cum igitur alii quoque auctores Galeno assensum suum præbeant, ille potus, qui aquæ fontane, quoad frigiditatem, æqualis, nec insigniter frigidus, nec calidus est, ad sitim extinguendam, & sanitatem conservandam optimuserit; habito tamen, ut alibi, ita etiam in potu ordinando perpetuò respectu ad diversitatem ætatum, temperamentorum, sexus, habitus corporis, idiosyncrasie, & similia.

Pergimus ad sequentia in definitione addita verba, finem & differentiam potus frigidi indicantia, quæ sunt: sitis naturalis in quotidiano victu extinguenda gratia. Hic enim est legitimus scopus & causa, cur potus in quotidiano victu desideratur, & assumendus est. Quia sitimus, bibimus.

Nutritionem, quæ, quamdiu vivimus, necessaria est, alimenta, hoc est, talem materiam exposcere, quæ in ventriculo & visceribus benè digeri, in succum & sanguinem converti, & eò usque mutari possit, ut tandem, quod utile & aptum est, in partium, quæ omni momento à motu perpetuo particularum fluidarum, & inde orto voraci nostro calore dissipatur, & depascitur, substantiam resarciendam impendi, converti & assimilari possit, noto notius est. Cum verò non solum humida & fluida, sed etiam solida partes corporis deperditionem & penuriam patiantur; anima autem, sanitatis ac vitæ conservatrix, ut morborum curatrix princeps, virium exinde metuendam debilitatem, membrorum exitiosam flacciditatem, & partium exsiccationem, cujus culpâ omne genitum corpus mortale est, & ad mortem properat, dicente Galeno l. 6. de tuend. sanit. non ferre possit, sed hæc omnia providè præcavere studeat, ideò, ne penuria quædam contingat, in penu suâ semper ut aliquid habeat, antè sollicita est. Hæc sollicitudo, sæpè satis anxiosa, est ille stimulus, à quo viventia ad quærendum victum, tam valdè necessarium tam crebrò impelluntur, quem vulgò appetitum vocant, & in famem & sitim dividunt, quique, tanquam opera & actio ad creatum conservandum necessaria, naturæ sibi relicta, ex Summi Creatoris jussu: Crescite & multiplicamini, imposita, & concreata, naturalis vocari jure meretur.

transpirationem &c. necessaria excretio sarta tecta conserventur; frigidi autem, ut temperetur caloris ignea in corpore voracitas; hinc rectè dicit *Aëtius tetrabib. serm. 5. c. 19.* sitis duplex est, altera ob humiditatis inopiam, altera ob caliditatis redundantiam. Nam ut *Aristoteles* ait: ἡ ὑγεία ἰσότης. Secunda valetudo mediocritas quædam est. *Problem. Sect. 1. p. m. 821.*

Oritur autem calor iste potum frigidum efflagitans, partim (1. ex motu particularum acrium, acidarum, amarificantium, falsarum, aliarumque in assumtis alimentis latitantium, & in resolutione, seu subtilisatione, vulgari & usitatissimo medicis vocabulo nuncupatâ fermentatione, in ore, à saliva, tanquam clave alimenterum compagem referante, inchoatâ, & in ventriculo continuatâ, ex compedibus & latibulis suis emissarum & extricarum; sed etiam, quia hic calor (2. augeri solet ab assumptione ciborum activè & effectivè calidorum, v. g. escarum calidarum, piperatarum, aut aliàs, ceu apud Germanos detestandus iste, sanguinem aerem scorbuticum generans, & augens mos obtinet, (unde etiam ut plurimum sitibundi sunt,) largiter aromatizatarum, à quibus non tantum statim, durante adhuc masticatione, in lingua & faucibus calor mordax & urens, necessariò potu frigido extinguendus, oritur, (testatur hoc *der/vulgò dictus, Studenten Marcipan*, ex Zingibere & sale in symposiis adpositus.) verum etiam, dum talia in ventriculo fermentantur & halitus calidissimi per oesophagi arundinem in fauces, versus os adscendentes particulas humidas, dictarum partium secum rapiunt, & dissipant, sicque oesophagum & fauces excalefaciunt, & ardere quasi faciunt, (inde Germani dicunt: Das Gewürke brennet einen im Halse.) potus frigidus ad extinguendum & moderandum calorem requiritur. Accedit his (3. Calor, qui in ore, linguâ, faucibus & oesophago partim ob motum linguae, maxillarum & muscutorum in masticando & deglutiendo operantium, varium, vehementiorem & diu continuatum exoritur, partim & (4. iste calor, qui ex ciborum, præcipuè ficcorum & solidorum v. g. panis sicci, crustarum, carniarum assatarum, aut elixarum ficciorum, hepatum &c. & in specie non satis masticatorum, horumque arctiori inter deglutiendum perpeffo ad latera oesophagi attritu, undè aliàs ordinariè calor excitatur, oritur. (5. Calor omnibus partibus naturâ adfectus, igneus, & ob rapidum con-

continuumque sanguinis motum *localem* & *intestinum* fatus, & auctus, qui, ne excreſcat nimium, & partes fluidas diſſipet, pingues colliquefaciat, & ſolidiores arefaciat, neceſſarium refrigerans expoſcit.

Poſſemus his adungere alias plures caloris & ſitis cauſas, cum v. g. videamus etiam ob ordinario crebriorem, in *reſpirando*, aëris valdè elatiſci per nares & os illapſum, & expulſionem, inprimis inter perorandum, cantum, clamorem &c. os, linguam, fauces, uvulam & aſperam arteriam roſcidâ ſuâ humiditate privatas excaleſcieri, areſcere, & frigidum potum expoſcere, unde non ex voluptate ſemper, ſed etiam ex neceſſitate *cantores amant humores*; item, quod *bilem* habentes *acriorem*, ſaliſ abundantes humoribus &c. ob inde ortum & excitatum maximum calorem, ſiccitatem & ariditatem, ſitim plerumq; auctam ſentiant; ſed his, pluribusque aliis, brevitatis ſaltim ſtudio, omiſſis, confidimus quemlibet ſatis videre potum non tantum ob humiditatem, ſed etiam, & vel maximè ob *frigiditatem* tam avidè appeti.

Adſentientem habemus Philoſophorum principem, *Ariſtotelem*, qui *lib. 2. de anima. c. 3. pag. m. 1391. t. 28.* ſitim definit *ἰσχυρὴν ψυχρῆς καὶ ὑγρῆς*, appetitum frigidi & humidi. *Hippocrates* idem innuit *6. Epid. ſect. 3. text. 24.* ubi victus regimen ſitientium proponens, dicit: *ἀδιψὸν συνεχέειν ὕδμα, σιγᾶν, ἀνεμὸν σὺν τῷ πρὸς ψυχρὸν εἰσάγειν*, Non ſitire faciunt os claudere, tacere, ventum, ſeu auram cum potu frigidam introducere. Quibus adcedit *Galenus*, qui *l. 1. de ſimpl. medicament. facult. c. 3.* ſitim duplici ratione provenire dicit: partim ob *humoris inopiam*, partim *caloris copiam*, & *ibid. c. 29.* magis ad ſcopum noſtrum ait: ſi cum vino bibatur *aqua*, ſitim efficacius extingvi, quàm ſi ſola, vino ſcilicet iſſam ad diſtributionem promovente: itaque refrigerationem, ſitisque ſedationem ab *aqua* provenire, ut quæ *frigida nature* ſit, & *humida*. Sed pergimus.

Addimus porrò in ſupra datâ definitione potus frigidi verba: *Sanitatis conſervanda gratia*. Quò ipſo indicare volumus, nos hîc non agere de potu in agrotorum, valetudinariorum, & qui his aliàs annumerari ſolent, diætâ ordinari ſolitâ; ſiquidem tunc ad morbi cauſas, morbum ipſum, huiusque ſymptomata, & patientis ſtatum

reflectendum est, cum neq; frigida, neque calida indistinctè semper profint; Nec de illo, qui initio consortii, *voluptatis*, aut *luxus* gratia, inceptus, hinc in *adsuefactionem* abiit, & sæpè plus in detrimentum, quàm commodum sanitatis, magisque ad abbreviandam, quàm prorogandam vitam, plerumque tamen extra prandium & cœnam sumitur; sed de illo potu, qui in *quotidiano victu*, maximè inter *prandendum* & *cœnandum* sanitatis causâ communiter assumi solet, qualis potus sunt aqua, cerevisia, vinum, &c.

An verò sanitatis conservanda gratiâ potus frigidus ad sitim sedandam præstet calido? in maxima est controversia. Videmus enim, & sæpe audimus contradicentes multos, qui calidum potum commendando calidissimè foveant, de potu autem frigido satis frigidè sentiunt.

Nolumus nos rationes eorum, qui calidum potum frigido præferunt, imò frigidum plane rejiciunt, omnes ac singulas adponere, sed potiores saltem convasabimus, namque hîc breves esse laboramus.

Primò petunt argumenta sua ab *antiquitate*; testimoniisq; & exemplis *veterum*, *Græcorum*, & imprimis *Romanorum*, calidum potum antiquis in frequentissimo usu fuisse, ideoque eos imitandos esse, adstruunt.

(IIIdo. Desumunt argumenta ab *utili & necessario*; quod scilicet vita nostra consistat in *calido & humido*, quia verò ex *Aristotelis* sententia τὸ θερμὸν καὶ ὑγρὸν σώζειν, *calida & humida* illud conservant, proinde secundum *Hippocrat. s. s. aph. 18.* τὸ θερμὸν ὀφέλιμον, calidum, & calidus potus, ut naturæ amicus, erit bibendus; inimica verò & noxia cum naturæ sint frigida, hinc potus frigidus, utpote calido nostro contrarius & destructivus erit fugiendus.

(III. *Noxarum & morborum* à frigido potu ortarum plaustra advehunt, & in enarrandis v. g. astmate, suffocatione, colica, febribus, apoplexiâ, tetano, aliisque sexcentis morbis gravissimis, à potu frigido causatis prolixissimi sunt.

Verùm hæc talia nos non ferunt: Antequam verò nostras, pro *potu frigido* militantes adducamus rationes, monendum iterum putamus, quod, ut ubique, ita etiam in *potu* assumendo, juxta
nun-

nunquam satis laudati Hippocratis *f. 1. aph. 17.* effatum, *tempori, regioni, ætati, & consuetudini aliquid sit condonandum.* Hinc potus frigidi contemtoribus respondemus.

(Imo. Quod ipsorum allata *antiquitas*, à Grecis & Romanis petita, nobis non videatur *satis incanuisse.* Habemus enim in potus frigidi laudem ætatem maximè decrepitam. *Adamum & Evam*, primos nostros parentes, non lactatos, sed *aquâ simplici*, à Creatore suo ipsis propinatâ contentos fuisse, ipsorumque posteros, per multas seculorum ætates, *solam aquam* bibisse, & nihilominus longæviozem, saniozem & validiozem nostrâ vitam duxisse, prout suprà monuimus, ex sacris & profanis scriptoribus clarissima habemus testimonia; *ὄινον γὰρ ἐκ τῶν κριθῶν, καὶ ὄινον ἐκ τῶν σαφυλῶν, vinum ex hordeo, & vinum ex uvis*, illa gulæ irritamenta maxima tunc nondum erant inventa. Bibebant autem *aquam simplicem crudam*, prout natura eam ex rivis, fluviis, imprimis verò fontibus & puteis, in quibus acquirendis & effodiendis veteres industrii erant, suggererat. *Excaldatam* verò, seu *excalefactam* aquam illos tunc temporis bibisse, nullum capimus ex sacris aut profanis scriptoribus documentum. *Post diluvium* quoque, licet vinum esset inventum, nihilominus in communi victu & vita aqua loco potus in usu quotidiano erat. *Israelitas* in *Ægypto*, & *Ægyptos* aqua in potu suo ordinario usos esse, clarissima testimonia suggerit *Exodus c. 7. v. 21. & 24.* Illos quoque in peregrinatione ex *Ægypto* satis diuturnâ, potum suum, hoc est, aquam, excalefecisse, unde quæso probari poterit? Ex *petra*, quam Moses in deserto, jussu DEI, verberabat, aquam excalefactam profluxisse, aut sitibundos *Israëlitas* eam profluentem prius excaldasse, quis credat? Quin potius *frigidum* potum apud *Hebræos*, *Salomonis* tempore in delitiis, & ad recreandas vires adsumtum fuisse, colligi potest ex *proverbiis* ipsius *c. 25. v. 13.* ubi dicit: Sicut *frigus nivis in diebus messis*, ita legatus fidelis ei, qui misit eum, animam ipsius requiescere facit. Cum enim *tempore æstivo nix* non soleat cadere, sine dubio *Salomon nivem*, seu *glaciem ex hyeme in æstatem reservatam*, quâ potus in solatium æstus æstivi à messoribus refrigerabatur, intelligit, quem morem etiam nostro tempore adhuc in *Hungaria* obtinere, refert *Johann Loselius de podagr. f. 2. memb. 2. art. 1.* dicit enim *Rusticos Hungaros messis tempore vinum glacie*
fri-

frigorificâ temperare, vel, solis æstu urgente, glaciem ipsam in locis subterraneis copiosè asservatam, & regelatam sitibundos ingurgitare. *Salvatorem* nostrum à Samaritana muliere ex puteo haustam aquam, non prius excalectam, sed prout exhauriebatur, frigidam bibisse legimus. Sed ne soli lucem adponere velle videamur, plura, quæ proferri possent, omittimus.

Quanquam verò ambabus largiamur, postquam vinum inventum fuerat; illud quoque *initio*, prout *nativè frigidum* erat, potatum fuisse, inprimis *recreationis* & *bilaritatis*, deinde etiam voluptatis, ac *inebriandi* causâ, nam *Salomon* jam suo tempore, *plures crapulâ, quàm gladio perire*, conquestus est, sæpius quoque ad *sanitatem conservandam* in usum adhibitum fuisse, sicut *Paulus* charo suo *Timotheo* ad *confortandum ventriculum*, vinum tanquam *εὐπόριον*, & notum remedium suadet: Imò verosimile sit, in *sanitatis* & *virium roborationem*, ac conservationem DEVM *Nohe*, jam *seni*, *annis*, ut & *curis*, ob devastatum per diluvium mundum gravato, & ob commorationem diuturnam in humida, super aquas arcâ, valdè debilitato, hoc novum genus potus, & inusitatum ostendisse; *Tractu* tamen *temporis demum*, cum in *luxum* cessisset vini potus, vinaque non nova, sed *vetustissima* in luxuriam conservata, & ob inveterationem *crassissima* facta, quæ manducari potius, quam bibi apta erant, in conviviiis, & apud luxuriosos adponerentur, *excaldatum* potum in consuetudinem venisse, & *Græcos* ac *Romanos*, utpote luxuriei, voluptati & delitiis præ aliis immerfos, *excaldato potui* valdè operam dedisse certum est; ita enim *Rosinus* antiquit. Roman. p. m. 538. Veteres, ait, durioris vitæ homines, quique à *luxu remotiores* erant, *frigidum* bibebant, *delicatiores* verò, & qui *luxuriei* erant *dediti*, *calidam* solebant bibere; Possentque ex *Plinio* multa hujus testimonia in medium produci, si locus & tempus permitterent.

Confirmare etiam hoc posset *scommâ* illud in *Cæsarem*, *Tiberium Claudium Neronem*, qui, quia *luxuriei* planè immerfus, vina ex libidine, & maximè inveterata, ideoque *excaldata* in potu ingurgitasse fertur, ob nimiam hanc vini aviditatem *Biberius*, ob luxuriosum *excaldatum* potum *Caldus*, & ob merum, seu vinum generosius, quod abliguriebat, *Mero* appellatus dicitur. Vix enim ipsum *Caldum* vocatum fuisse remur, si in quotidiano victu omnes,

& non

& non potius *luxuriosi* saltim, & inter hos præcipuè Nero *excaldatum* potum bibere, consuevisset. Quanquam in eam opinionem ducamur, Neronem *Caldum* vocatum fuisse, non tàm, quod calido potu, quàm quod ad gulam ingeniosus, *magis frigido* delectaretur; ut enim aqua citius & potentius externæ nivis frigus experiretur *decoquere prius* aquam seu *excaldare prius* jusserrat. Ita enim *Plinius* de hõc invento *lib. 31. c. 3. p. 555.* ait. *Neronis principis inventum est, decoquere aquam, vitroque dimissam in nives refrigerare, quia calefacta magis refrigeratur, subtilissimo invento.* Cum igitur Nero luxus hujus in calefaciendâ aquâ, ut magis refrigeraretur *primus inventor* fuerit, forsan ab invento hõc *Caldus* dictus fuit.

Sed quidquid sit, certum est, & ex veterum Scriptorum monumentis satis constat, *excaldatum potum* fuisse ab initio speciem potus magnatibus, delitiosis, luxuriâ & divitiis diffluentibus, & symposia amantibus tantum in usu; quia autem, ut verè *Seneca* in epist. ait: inter causas malorum nostrorum est, quod vivimus ad exempla, nec ratione componimur, sed consuetudine abducimur, & recti apud nos locum tenet error, ubi publicus factus est; inprimis autem quocunque Rex gaudet, hoc subinde invalescere, studiosèquè à plerisque affectari solet; hinc factum fuisse verosimile est, ut *excaldatus potus* etiam in vilioris conditionis hominum consuetudinem veniret. Cujus haud invalidum argumentum nobis suggerit *Cassius*, qui, cum reperisset *Syriacas legiones diffuentes luxuriâ*, etiam se excaldantes, hoc est, ad ignem, vel potius in apoxariis & hypocaustis se calefacientes frigoris tempore, id illis interdixit, ut ad pristinam militum disciplinam revocaret, & *calidum potum interdixit.* Nam multò severior erat antiquorum disciplina militaris, hodiernâ. Potus militis aqua erat, aut mera, aut mista aceto, *posca* dicta; de quo vide *Josephi Laurentii Polymathiam lib. 1. dissert. 40. p. 78. & lib. 4. de disciplina militari Synops. 3. p. 310.*

Ido. Si autem exinde, quod excaldatus potus quibusdam luxuriâ diffluentibus, & magnatibus in consuetudine fuit, calido potui aliquid laudis accedit, *frigidissimo potui*, nive & glacie frigefacto, non solum tantundem, sed etiam multo plus, præ calido, laudis concedendum erit. Testantur enim scripta historicorum, & poetarum veterum, quosdam ex priscis frigidum, aliquos calidum, aliquos temperatum, aliquos calidum quandoque, quandoque fri-

gidum potum eadem ætate bibisse, unde *Martialis* in *apophoreta* canit: *Frigida non desit, non deerit calda petenti*: Præcipuè verò apud nobiles in sumtuosis illis cænis, in natalium celebratione, in festivitatis, in nuptiis, ac in procerum convictu, ob aliquam victoriam, *frigidum* ac *calidum potum* in usu magnoperè fuisse, & per *frigidum potum summè frigidum*, sive *gelidum* intelligendum esse, complurium tum *Græcorum*, tum *Latinorum* testimoniis confirmat *Franciscus Scacchus* *dissert. de salubri potu. c. 2. p. m. 8.* Imò laudatus auctor, postquam *loc. cit. p. 18. 19. & seqq.* *gelidum potum* priscis in usu fuisse plurimis documentis probavit, tandem *p. 22.* ita concludit: Constat itaque ex dictis, *priscos valde frigido, seu gelido potu, calido ac temperato usos esse, & gelido quidem & calido ad luxum & delicias.* Quia verò teste eodem auctore, in toto terrarum orbe valdè pauci, & ut plurimum *hyeme ad delicias calidum biberunt*; plurimi autem, & præcipuè nobiles, ac principes *gelidum potum quolibet anni tempore, præsertim in summo æstu, ob luxum secuti fuerunt*; insuper nemo ignorat, his nostris temporibus admodum paucos calidum bibere, plurimos autem, & ex vulgo omnes *frigido delectari*; præterea causa, cur *prisci potum excaldarunt*, in terris nostris cessat, nec vina apud nos ita inveterascunt, ut ob vetustatem *instar mellis crassioris* inspissentur, & quasi solida fiant, ideoque antequam bibantur *attenuanda, & liquefacienda* sint, hinc videmus *potum frigidum* palmam & laudes calido præripere.

III. Videntur nobis contradicentes *ludere in terminis calidi & frigidi.* (In quod *calidum* concernit, *modò* vocant illum potum *calidum*, qui igne est *excalefactus*; *modò* illum hoc titulo insigniunt, qui, *prout à provida natura humane indigentia subinde, & hinc inde per pluvias, fontes, puteos, flumina &c.* sine, ad ignem excalefactione præcedente, subpeditatur, bibitur. Quia autem *utroque modò calidum* ipsis dictum, homini in quotidiano victu ad vitam & sanitatem conservandam prodesse, nec obesse ambabus concedunt, non videmus, quomodo nobis contrariantur; quin potius nobis gratulamur, quod *potum frigidum* in eodem significato *frigidi*, in quo nos ipsum commendamus, spontè commendent. Neutiquam tamen videmus, quò jure talem potum *frigidum*, prout eum natura ex fontibus, puteis, fluminibus &c. subpeditat, ex-

cale-

calefactum, aut *excaldatum* vocare possint. (2. *Frigidum* porro sumunt, *modò* prout *excalefacto* contradistinguitur, & notat calidum ipsis dictum potum, sed in ea temperie, in qua *natura eum suggerit* per fluvios &c. *modò* sumunt pro extremè & summè frigido, seu gelido. In *prima* vocis acceptione se nobis $\phi\mu\phi\psi\phi\delta\varsigma$ præstant; in *altera* verò distinguimus (1) inter *tempora*, *regiones*, *ætates*, *temperamenta*, *consuetudinem* &c. quibus, secundum monitam *Hippocratis* supra laudatum, semper aliquid est condonandum, & inter *modos* (2) potum *infrigidandi* varios, & (3) *frigidum* assumendi.

Primum quod spectat. potus secundum *Baltharis Pisanelli*, medici Bononiensis sapientissimè consilium, in *lib. de esculent. & potulent. facult. p. m. 162.* ita *contemperandus* est *aëris*, *anni temporis*, *regionis* calori, ut, *quantò* ille *debilior* est, *tantò* *frigidi* potus *gradus remissiores* sint, si hic *intensior*, eadem in *egelida* usu *serveatur temperies*; *refrigeratio* ista *haut aliud* sit, quàm *temperamentum calidi*. Verbò, *frigiditas* potus semper *mensuretur ad modum caloris nostri*, ne scilicet hic *suffocetur*, sed ut in suâ *æqualitate & temperie*, constitutioni *hujus* vel *illius individui* necessaria & conveniente *servetur*.

Quod *secundum* concernit, *diversos* invenimus apud auctōres potum *infrigidandi modos*, quorum *usitatiores*, eosque in *Eropa* plerumque *solitos*, huc apponere lubet.

Sunt nempe eorum, quantum nobis innotuit, *quinque* (1.) *infrigidatio nive & glacie* (2.) *immissione vasorum potum continentium in puteos, fontes, cellas*, aut in horum defectu, in *specus & cavernas umbrosas*, versus septentrionem spectantes, in quas *aër*, ob solis radios *æstuans*, aut aliàs *calidus penetrare non potest*. (3.) *Nitro*. (4.) *Lapidibus*. v. g. *silicibus frigidis*, & in *aqua frigida* *infrigidatis*, potui *injectis*. (5.) *aëre frigido*.

Invenimus quidem apud *Scipionem Mercurii lib. 2. de gli errori popolari d' Italia p. m. 538.* alium potum *infrigidandi modum*, *con l'herba rugiadosa*, quem auctor à rustico quodam *Pademontano* didicit, valdè laudat, & *loco cit. pag. 540.* ita describit: *Ultimo modo di rinfrescar il vino, si fà con l' herba rugiadosa, tagliata avanti il levar il sole, delle quale se ne taglie tanto, che basti à coprir il va-*

fo pieno di vino, & copertolo vi si sopraggiunge adosso de panni
 grossi, perche diffendino dell ambiente. Questo modo è così ec-
 cellente, che quantunque detto vaso così coperto stia tutto il gior-
 no à raggi del sole, non perde però mai la sua freschezza, poiche il
 caldo ambiente tien' unita la freddezza della rugiada in torno al vaso.
 Sed, quamvis ex circumstantiis colligamus, auctorem intelligere Ro-
 sellam, quæ alias *Ros solis*, Germanis *Sonnenthau*/ vulgò *Sonne-
 thau* dicitur, quia hæc in superficie sua humiditatem roridam, in di-
 ebus etiam à calore valdè æstuantibus, potissimum verò manè, in
 majori copiâ, quàm aliàs herbis adhærere solet, præ se fert, & lau-
 datus auctor hanc herbam manè, ante solis ortum abscindendam,
 & panno crassiori obtegendam præcipit, quò frigiditas della rugiada,
 id est roris magis unita circum vas conservetur; quia tamen nec
 ex propria, nec ex aliorum experientia quid hæc auctoris observatio
 veri, & eximii in infrigidando potu habeat, statuere possumus, fi-
 des penes auctorem sito; nolumus tamen illi eandem prorsus de-
 negare, quia res non videtur impossibilis esse; Novimus namque
Galenum etiam 6. in *Epidem. Hippocrat. Comment.* referre, *Ægyptios*
folia vasi circumdedisse, nonnunquam vitium, aut lactuca, nonnun-
 quam & aliarum id genus herbarum, ut diutius frigus permaneret.
 Sed cum aliis, quàm messoribus, iis, qui ruri degunt, & operariis,
 hunc infrigidandi modum, in defectu aliorum, in usu esse dubite-
 mus, parumque solatii frigidum sitibundo præbeat, eumque nomi-
 nasse fat erit: Legi de his, & pluribus potum infrigidandi modis po-
 terit *Thomas Bartholinus de nivis usuc.* 15. p. 100. & seqq.

Primus potum infrigidandi modus, nive scilicet & glacie, anti-
 quissimus est, & jam *Salomonis* tempore in deliciis habitus, sicut ex
 superius dictis constat. Romanis quod fuerit in usu, & propè quo-
 tidiano, exinde colligi potest, quod inter cæne ordinaria apparatus
 nix censebatur, teste *Plinio*, qui lib. 1. epist. 15. In cœna parata, in-
 quit, erant lactucæ singulæ, cochleæ ternæ, ova bina, alica cum mul-
 so & nive. Propter æstum vehementiorem Indis, Turcis, Italis,
 Hispanis, imò etiam Germanis potum glacie vel nive refrigeratum
 adhuc in usu esse, experientiâ tum propriâ, tum alienâ, multisque
 testimoniis probatissimorum auctorum confirmare possemus, nisi
 farraginem eorum congestam videremus apud laudatum Thom.

Bartholinum loc. cit. c. 14. p. 88. & seqq. ad quem benevolum lectorem amicè remittimus.

Infrigidatio verò ipsa fit iterum *diverso modo*, aut (1.) *adponendo* lagenis, potu, imprimis vino, plenis, *externè ipsam nivem & glaciem*, (2.) *ponendo lagenas*, vel quod commodius est, *vitra* ita adaptata, ut in *Italia* moris est, quò semper natent, & collum supernatet, nec vino repleta submergantur, in vasculum ligneum, v. g. *capedinem*, nostris *eine Gelte/ Stunze/ aqua frigida* plenam, cui aquæ *frusta glaciei* pro lubitu imponuntur. (3.) *Injiciendo nivem vel glaciem in vitrum ipsum*, vel vas bibitorium potum continens, ori admovendum.

Secundus infrigidandi modus, *immissio* nempe *vasorum* potu repletorum in *fontes, puteos* profundiores, vel etiam *cellas*, iterum deprehenditur *varius*. Aut enim ipsa *dolia* satis *capacia*, & aliquot amphoris potus impleta, in *cellis ordinariis* subterraneis per æstatem detinentur, & studiosissimè præcavetur, ne ob diutiorem valvarum, aut spiraculorum cellæ apertionem aër calidior in eas penetret. Unde *Numburgenses*, in conservanda cerevisia bona curiosissimi, *cellas*, in quibus cerevisia per æstatem conservatur, rarissimè aperiunt, eas nunquam temerè intrant, & post ingressum valvas post se desubito claudunt, quâ ratione etiam *nectar* illud *hypochochriacorum* Numburgense celeberrimum plerumque non accescens, & frigidissimum conservare solent. Aut dicta vasa grandiora potu repleta in *profundissimas & frigidissimas cellas*, quarum in aliquibus *Europæ* locis, imprimis vero *Gera*, oppido, ob manufacturas varias, mercaturam, ac hortorum culturam splendidam, ut & propter potum æstate valde frigidum, hinc inde celeberrimo, plures, ob profunditatem, in terra quasi viscera desinentem, visu dignissimas reperire licet, & ab incolis *Hühler* vocari solent, reponuntur, ibique per æstatem reliquuntur, ex quibus potus per integram æstatem, licet etiam maximè ferventem, valdè frigidus, ac optimi, incorruptique saporis haberi potest.

Immissio in puteos etiam diversimodè fit; aut enim vasa terrea v. g. lagenæ benè obturamentis munitæ & deligatæ, postquam laqueis firmiter alligatæ sunt, *planè in aquam* immerguntur, ibique per aliquot horas immersæ reliquuntur; aut dicta vasa *duabus extra aquam palmis*, & sic super eam suspenduntur, suspensaque per aliquot ho-

ras relinquuntur, ut ab aëre potius, per aquam quasi argento, quam per ipsam aquam refrigerentur.

Alii in defectu puteorum in *ripas, fluvios, alveos &c.* lagenas ponunt, firmantque, ne potus profundatur; vel jam pransuri, aut cœnaturi paulò antè, quam mensæ accubituri sunt, ex puteis frigidioribus aquam extrahi curant, in quam, effusam in capedinem, vel aliud idoneum vas propè mensam positum, lagenas, vel urceos potu plenos ponunt, atque hœc modò potum suum per æstatem infrigidant. Commodissimus hic est modus, & cæteris paribus aliis præstantior ac salubrior, modò caveatur, ne in puteos, aquam foetidam continentes, aut in aquas foetidas lagenæ & vasa imponantur, quia potus tetrum odorem & saporem, appetitui & sanitati ingratum & noxium sibi adsciscere possunt.

Tertius, potum, nempe Nitro infrigidandi, modus, an prisce in usu fuerit? nobis non constat, navigantibus in usu esse dicitur, utpote, qui, cum nec nivem, nec glaciem in nave habeant, potulenta infrigidaturi, dissolvunt aliquam quantitatem *Salis nitri* insufficientibus aquæ mensuris, cui deinde vasa, potulentum continentia immittunt. Sed quia *modus* pluribus ignotus est, apud alios quoque non ita cum omnibus adjunctis descriptus reperitur, eum ex supra laudato Italo, *Staccho*, prout *loc. cit. cap. 5. p. 78.* traditur, huc transcribemus. In *centum*, ait, *aquæ* libras, *puri hali nitri libras XXIV.* infundere solent, hunc ordinem *ad amussim* servando, *primò* scilicet ex tribus hali nitri partibus, duas partes in dictam aquæ quantitatem infundunt, deinceps immissum in aquam ligneum pistillum sensim in gyrum vertunt, tardè primum, deinde paulò concitatus, ac tandem frigore augescente celerrimè circumagunt, semperque in eandem partem, *moxque* frigiditate insigniter auctâ, quod tactu percipitur, ex reliqua hali nitri parte, dimidiam partem addunt, nempe libras quatuor, ac denuò pistillo circumaguntur; *ultimò* alias quatuor libras super addunt, ac tam diu circumagendo durant, donec ad summum frigiditatis gradum pervenerit, quò tempore *phialas* vino, vel aqua plenas, sive œnophora in ipsam sic refrigeratam aquam immergunt, sive circumducunt, & utroque modo potulentam materiam inter se admodum refrigerant.

Quartus infrigidandi potum modus consistit in *lapidum*, v. g. fili.

filicium puriorum ex aqua frigida desumtorum, & in aqua frigida usque ad usum relictorum, in vasa bibitoria injectione.

Quinto modo refrigeratur potus aëri nocturno, & versus septentrionem, ventosque frigidos vasa potu plena suspendendo, & exponendo. Galeni etiam tempore, ceu patet ex l. 6. in Epid. Hipp. comment. 4. & lib. 2. de compos. medicament. hic modus in usu, & sicut ex laudato Pisanelli loc. cit. p. 163. apparet, Egyptiis usitatissimus fuit. Sed quamvis hic modus sit facillimus, non sufficiens tamen esse, & parum in infrigidando efficaciam habere videtur, sicuti laudati ambo Itali, Scipio Mercurii, & Balthas. Pisanelli verè sentiunt; ille enim loc. cit. hanc rationem addit: perche non sempre l'aër nocturno è fresco, & quando ben' anco è fresco, pocchissimo però ne comunica al vino, & se pur gli ne comunica, non può servir, se non per la mattina à disnare, non possendo per la sua debolezza aggjungere sino alla sera. Hic verò, loc. cit. ait: quod, licet hic modus potum refrigerandi optimus sit, & saluberrimus, at eò beneficio rùm destituamur, cum usque maximè postulare videbatur, cum in Etesiiis ventus frigidus non spiret.

Potum hactenus frigori exposuimus, nunc quomodo propinandus, seu assumendus, sive quoniam ex recensitis quinque modis tutior, salubriorque sit? inquirendum esset. Verum enim verò rem valdè difficilem deprehendimus, cum ex recensitis pateat, in potu, frigidigradus, vel temperamento aque naturali, quale fontana ex Galeni, aliorumque sententia attribuitur, æquales reddi, vel etiam exaltari, & ad frigidissimum deduci posse; notum verò sit constitutiones individuorum humanorum adeò variare, ut, nullum corpus alteri per omnia simile sit.

Norunt enim Medici, quod, licet sanitas hominum in genere conservetur per ea, quæ sunt ejusdem temperaturæ cum homine sano, & ex adverso lædatur, per ea, quæ notabiliter calidiora sunt, & frigidiora; ideoque intemperies, sanitate magis, quàm par est calidior, frigidioribus ad justum & convenientem gradum reduci, frigidior verò calidioribus, in sanitatis decentem statum restitui debeat, idque bona victus ratione optime effectui detur; attamen in hac, propter hominum constitutiones diversissimas universales sanitatis regula præscribi nequeant. Consultissimum ergò erit, ut quilibet in victus ratione sui ipsius medicus sit, hoc est, sanitatem suam integram conservaturus ipse probè observet, quæ in diæta juvare, aut

nocere soleant, illa, ut retineat, hæc verò ut fugiat. Hæc enim sunt vera *stratagemata*, quibus pharmacopœis lucrum præscinditur.

Præcipuè autem ut ubiq; , ita quoq; *in potu frigido* assumendo (1. observandum est, ut cujuslibet *individui temperies sanguinis & feri naturalis* conservetur, & omnia *excessivè calida & frigida* potulenta vitentur; temperata verò & temperantia eligantur.

(2.) Habeatur ratio *temporis*, quemadmodum nempe *excellens frigus* adventitium spirituum & humorum motum inhibendi, *nimum* eum planè tollendi, & hinc calorem nostrum suffocandi & extinguendi vim habet maximam. *Calor* verò *externus nimius*, si-
ve is æstatis, caloris excessu sævientis, si-ve regionis æstuantis natura, aut aliunde contingat, aut corporum violentiori motu, ac exerci-
tio auctior & vehementior factus fuerit, motum spirituum & humorum augendi, calorem quasi in flammam concitandi, & spiritus ac humores dissipandi, corpus consumendi, & oleum lampadi vi-
tæ subtrahendo, mortem inducendi vim obtinet: ita unicuique in
victus ratione probè vigilandum est, ut his sanitatis hostibus infen-
sissimis obviam eatur, iique in tempore expugnentur. Cumque
frigus ordinariè excellere soleat in *hyeme*, ideò, quoad *alimenta*, cibis
quidem calidis idoneis, calorem nostrum intra corpus fovere, sed
potu temperatè frigido in *aquilíbrio* conservare admodum conve-
niet, ac necessarium erit. Poterunt ergò tunc potulenta, *si appe-
santur*, vel, ut ex cellis non admodum profundis adportantur, tem-
peratè frigida, vel si adportata ob aërem gelidum, aut quod ex pro-
fundioribus cellis frigidiora sumta fuerint, in hypocausto tempera-
tè calido paululum relinqui, vel ad fornacem per breve tempus po-
ni, & postquam de sua frigiditate aliquid remiserunt, deinde in usum
trahi, idque sine ullo sanitatis præsentis dispendio. *Æstate* verò,
quando *calor corporis* ab ambiente, & ad pulmones irruente, præci-
puè magis fervido aëre, motuque spirituum & humorum inde, aut
etiam aliunde rapidiori reddito, auctus fuerit nimium, cavendum
quidem, *ne unquam ante* assumptionem potus frigidi, cibi calidi as-
sumtio omittatur; sed potus tunc, ut sanitas integra conservetur,
frigidus, minimè autem, nisi in adluetis calidus convenit; sicuti enim
ignis igni additus flammam auget; ita calidus potus calori in cor-
pore nostro aucto additus, ipsi calcar addit, & humorum ac spiri-
tuum motum augendi, humidum per sudores, urinam & insensibi-

lem

lem transpirationem eliminandi & dissipandi, ventriculum & digestionem debilitandi, totumque corpus flaccidum, lassum & debile reddendi vim habet efficacissimam; imò cum excalefactus potus ad frequentius & largius bibendum appetitum incitet, humiditas autem superflua ventriculi fermentum pessundet & eluat, salia in massa sanguinea nimium diluat, & ab his inertibus redditis sulphur non debite expandatur, facile, & intra breve tempus, qui antea optime sani erant, pallidi, pituitosi, cachectici & hydropici reddi possunt. E contra, ubi, habitâ tamen ratione validioris, & debilioris corporis constitutionis, calor tum externus, tum internus auctior fuerit, frigidior potus omne expediet negotium, & proderit tunc aut potus ex *cellis profundioribus* apportatus, aut poterit *nivem & glaciem ab extra* vasibus, potu repletis, immediatè circumponendo, aut aquæ in capedine eas addendo, vel etiam vasa in *puteos*, frigidiores *fontes, flumina*, aut in aquam frigidam immittendo, potus frigefieri, ac in usum impendi, sine sanitatis præsentis metuendâ noxâ, modò semper observentur sequentia:

(1.) *Adprimè*, ut *Comicus* ait, *in vita utile esse, VT NEQVID NIMIS!* hoc præsuppositò, cavendum est,

(2.) Ne *jejuno stomacho* potas, quocunque modo frigidus sumatur.

(3.) Ut *parum bibatur singulis vicibus*, præcipuè verò ne *primus* avidè sumtus *haustus nimis largus* sit, quia subitanea alteratio periculum sæpè in momento adportat, & gravissimas inde in corpore mutationes ortas fuisse, ipsam quoque præsentaneam mortem insecutam, experienciâ propriâ, & alienâ facile probari posset.

(4. *Juvenibus* magis, quàm *senibus* potus frigidus convenit. Et cum *senibus*, quibus ut plurimum parum calidi adhuc restat, *temperatè frigidus* potus eligendus sit, sufficiet illis frigefactio potus per immissionem vasorum in aquam frigidam, aut silicibus frigidis in potum positis conciliata; aut si frigidior paulò potus cerevisiæ, forsan ex adsuetudine, eos delectet, sicut *Galenus 3. de ratione vict. acut. l. 40.* aquæ frigidæ noxas subnasci ait *διὰ τὴν μίξιν ἀνεργῶν*, ob impermixturem cum vino, ita, si solvendo sunt, & in sanitatis commodum aliquid de eo, quod aliis relinquendum est, impendere volunt, vitrum unum vel alterum *vini boni* potui cerevisiæ interponere consultum erit.

(5. Qui *otiosam vitam* degunt, item qui *pituitosi*, delicatioris texturæ, ac imprimis quoad genus nervosum sunt, sibi à potu frigidiori temperare debent; Sufficit his temperatissima frigefactio; nam à vehementius infrigidantibus tùm externis, tùm internis, periculum sanitatis & vitæ facillimè incurrere possunt. Cum contra *biliosi*, item *robustiores*, laboribus corporis negotii plenius dediti, frigidiorum facilius ferant, modò non statim *immediatè* post nimium motum corporis, & animi, nec, ut præcipuè operarii solent, puteos bibitorios, & quæ etiam ultra mensuram capiunt vasa haustiliis & ἀπυλῶσι exhaustiant.

(6. *Gravida*, nisi forsan ipsarum idiosyncrasia aliud efflagitet, præcipuè verò *puerperæ* à frigido potu abstineant, nisi vel mortem, vel atrocia mala, vel ad minimum intumescentiam ventris sibi adsciscere velint.

Cumq; (7. *Consuetudo* sit quasi altera natura, & multi, imprimis ubi profundiores cellæ, die Hüblyer inveniuntur, à teneris potui frigido adsuescant, iis, ut adsuetis, ad sanitatem suam integram conservandam potus frigidior ex istis cellis, non equidem planè denegandus, sed ne, quando consenescent, cachexiam & hydropem incurrant, κατὰ βεβῶν paulatim bibant, nec ἀφροῶς, confertim & impetuosè largiorem potum in fauces & ventriculum infundant. Conduceret hisce potius, si sitis nimium urgeat, & cerevisia, vel alius frigidior, quàm sanitati conducibilis, potus adportetur, primò saltim aliquoties pitissando, seu sorbendo potum frigidum sumere, eumque paululum, ante deglutitionem, in ore continere, & postea haustibus parciore sitis extinctionem continuare, quàm unâ vice, appetitui velificando, sanitati imprudentius nocere. Nam, sicuti omne nimium, tàm in quantitate, quàm in qualitate naturæ inimicum est; ita à paucis incipiendo, & paulatim pergendo, ad sitim extinguendam talis potus frigidus non nocet. Hunc modum sitim extinguendi ideò *frigidum bibituris* commendamus, quia sitis hòc modo plerumq; quasi in prima herba suffocari potest; rationem verò hanc addimus, quod, quando potus frigidior, saltim pitissando, vel potiùs sorbendo prius super linguam funditur, ibique paululum tenetur, non tantùm lingua & fauces, quæ in siti interdum πρῶτον δεικνόν, *subjectum primariò affectum* sunt, sed etiam tota arundo œsophagi, & ventriculus ob communem

nem

mem, quam in continua expansionis serie habent cum labris tunicam, simul eximiè & innoxie refrigerari ac humectari possunt. Ore verò & faucibus sic attemperatis, seu refrigeratis, potest deinde, si adhuc adpetatur, largior quidem potus assumi, sed pro regula habendum est, ut *πολλάκις, καὶ καὶ ὀλίγον, sæpè & parum*, non *βιάως καὶ ἀφ' ἑαυτοῦ, confertim & impetuosè* bibatur.

(8) Addimus, in omni siti, ipsorum etiam sanorum probè unicuique considerandum incumbere, *unde contingat sitis?* an nimirum natura aut *ex necessitate rei suæ æconomica*, aut propter calorem in toto corpore auctum, aut verò ob calorem & ariditatem hujus vel illius partis tantum, v. g. oris, faucium, uvulæ, epiglottidis, laryngis eam instituat. Nam sicuti modò monuimus, sæpè in dictis partibus causa sitis vel solum vel primariò later; Quemadmodum autem in prioribus casibus potus frigidus indicatur; ita, ubi causa saltem in faucibus latitat, quia tunc non vera sed e mentita causa sitis adest, melius est, fallere sitim, & loco frigidi potus, elutiones oris aqua frigida, gargarisationes, & similia sitim fallentia adhibere.

Tandem (9.) Potum *nive & glacie*, externè vasis, potulenta continentibus, adpositis frigidum redditum bibere, cæteris paribus sine noxâ licet quidem, ut intemperies corporis calidior, à validiori remedio ad æquilibrium, & naturalem statum reducatur; sed glaciem ipsam cum potu deglutire, sanitati quàm maximè nocet; idem sentit laudatus *Pisanelli l.c.p.163* dicens: *Modus per nivem omnium laudibus decantatus, modò ei non permisceatur*, quod bibimus, sed per contactum refrigeret, non adspernendos edit effectus.

Ex hætenus prolatis nunc apparet, *quod & quomodo potus frigidus tempestivè sumtus* ad sanitatem integram conservandam, & tuendam *citum, tutum & jucundum* sit auxilium, & alimentum verè medicamentosum. Minimè ergò negamus, imò ipsi statuimus, quod potus, ut plerumque omnis, tam calidus, quàm frigidus, ita vel maximè frigidus *intempestivè* sumtus, hoc est, si aut jejuno stomacho, aut ipso debili, & nervoso genere nimis sensibili & delicato existente, item si post cibos calidiores, post pingua, aut dulcia comesta, aut post nimium animi & corporis motum, atque hinc calorem vehementiorem excitatum, aut *in balneis*, vel *statim post ea* fumatur, ut & si non adsueta, aut otiosi, pituita abundantes, naturâ frigidiores, & ad frigidos morbos dispositi, pulmones quoque debi-

debiles habentes, senes, gravidæ, puerperæ, ad colicam proni, & huius sortis alii frigidum intempestivè & immoderatè bibant, facile noxas illas, quas in frigidi vituperium longa serie auctores objicere solent, excitare possit; His ergò suis allatis exemplis & observationibus nos non feriant, siquidem omnia illa incommoda, si circumstantias rectè perpendunt, ab intempestivo solùm usu orta esse deprehendere possunt. Germani nostri rectè dicunt: *Mann kan auch des Guten zu viel thun.*

Sed cum rem tribus explicare chartis nobis proposuerimus, videamus autem eam sub crenâ excrescere, plura, quæ in laudem potus frigidi adduci possent, omittere, & festinando ad finem, ea saltem, quæ adhuc ex definitione restant, ultima scil. verba, paucis expedire jubemur. Sunt autem hæc, quod potus frigidus sit substantia *sine masticatione haustu deglutibilis.*

Bibere & manducare sunt diversa, hoc fit collisione dentium, illud dentium opem non expectat, nec eâ opus habet, sed septum dentium supergreditur. Nam haustus dosis una post alteram in fauces ex vase bibitorio effusa, sine mora, continuo ordine, & quasi concatenatim, dum epiglottis laryngem obtegit, super eam in œsophagum detrudi & deglutiri debet; præterea, quia potulenta non sunt solida, ut comminutione, masticatione & salivali humectatione indigeant, hinc sine masticatione & collisione maxillarum in fauces effusa deglutiuntur.

Mos fuit apud Priscos in conviviiis *magistros* διωόντας eligere, qui præscriberent *modum* cœnæ, & quantum quisque, & quomodo *temperatum* biberet vinum. *Modiperatores* seu *Modimperatores* isti observasse dicuntur scitum illud severum: ἢ πίει, ἢ ἀπίει, *aut bibe, aut abi.* Liceat mihi, benevole Lector, eâdem formulâ Te, sed non nisi amicè alloqui: *aut bibe temperatè frigidum* potum, aut si eum, forsan ob adsuefactionem, vel ἰδιοσυνηγορίαν averſaris, *abi, & ex calefactum tibi elige,* uterque TIBI PROSIT!

Tantum in præſenti de hac materia;
Sed quia DEO meo tantum, quantum laudis debeo, nunquam
satis dicere possum, ipsi

SIT LAVS, HONOR ET GLORIA
IN ÆTERNUM!

